

17. gr.

Skil og frágangur meistararitgerða.

Meistararitgerð má skrifa á íslensku eða ensku. Í meistararitgerð skal vera ítarlegur inngangur þar sem staða þekkingar á fræðasviðinu er rakin, aðferðum skal lýst, gerð grein fyrir niðurstöðum og loks skal vera ítarlegur umræðukafli sem fjallar um verkefnið í heild. Heimildaskrá sem skal vera samkvæmt almennum reglum vísindatímarita. Hafi nemandi skrifað grein/greinar til birtingar geta þær verið hluti af ritgerðinni, auk þeirra sé í ritgerðinni ítarlegur inngangur ásamt umræðum. Í ritgerð skal getið stofnana eða fyrirtækja þar sem rannsóknin var unnin og tekið fram hverjir leiðbeinendur voru. Koma skal skýrt fram að verkefnið var unnið við Háskóla Íslands og geta skal þeirra sjóða sem styrktu verkefnið. Um frágang meistararitgerðar vísast til leiðbeininga deildarinnar. Meistararitgerð skal skilað í fimm eintökum til skrifstofu læknadeildar eigi síðar en sex vikum fyrir áætlaðan prófdag. Læknadeild tekur ekki þátt í kostnaði vegna meistararitgerða.

18. gr.

Lærdómstitlar.

Að loknu meistaranámi hlýtur stúdent lærdómstitilinn *Magister scientiarum* (M.S.).

19. gr.

Gildistaka o.fl.

Reglur þessar sem samþykktar hafa verið af deildarfundi í læknadeild og hlotið staðfestingu háskólaráðs, sbr. 2. mgr. 13. gr. laga nr. 41/1999 um Háskóla Íslands og 68. gr. reglna fyrir Háskóla Íslands, öðlast þegar gildi. Jafnframt falla úr gildi reglur um meistaranám við læknadeild Háskóla Íslands sem samþykktar voru af háskólaráði 11. febrúar 1999.

Auk birtingar í B-deild Stjórnartíðinda, sbr. 1. mgr. 20. gr. laga nr. 41/1999, skal birta reglur þessar í kafla læknadeildar í kennsluskrá og á heimasíðu deildarinnar.

Háskóla Íslands, 27. júní 2003.

Páll Skúlason.

Þórður Kristinsson.

REGLUR

um breytingu (16) á reglum fyrir Háskóla Íslands nr. 458/2000.

1. gr.

Eftirfarandi breytingar verða á 46. gr. reglnanna:

1. Fyrsta málsgrein greinarinnar breytist og verður svohljóðandi: Stúdentar sem hefja nám í Háskóla Íslands skulu hafa lokið stúdentsprófi, eða öðru sambærilegu prófi frá erlendum skóla. Almenn er áskilið að stúdentspróf sé af bóknámsbraut, en deildir geta með samþykki háskólaráðs ákveðið að falla frá því skilyrði.
2. Við greinina bætist ný málsgrein (7. mgr.) svohljóðandi: Upplýsingum um inntökuskilyrði deildar skal komið á framfæri í kennsluskrá, á vefsetri Háskólans og í kynningarefni til nýrra stúdenta. Skal skýrt tekið fram að inntökuskilyrði geti verið mismunandi milli deilda, þannig að heimild til skráningar í eina deild veiti ekki sjálfkrafa rétt til skráningar í aðra.

2. gr.

Fyrsti málslíður 5. tölul. 68. gr. reglnanna breytist og verður svohljóðandi:

Reglur deilda tilgreini þann námsstíma sem miðað er við í eðlilegri námsframvindu og hámarksnámsstíma. Deild er heimilt að tiltaka í reglum sínum að stúdent geti frá upphafi verið skráður í meistaranám til fjögurra ára og er þá miðað við 15 einingar á hverju ári. Við brautskráningu skal sýnt að stúdent hafi verið skráður og greitt skráningargjald allan náms-tímann.

3. gr.

Fyrsta málsgrein 92. gr. reglnanna breytist og verður svohljóðandi:

Á fyrsta misseri BA-náms í lögfræði, haustmisseri, getur stúdent eingöngu skráð sig til náms í þremur námsgreinum, þ.e. almennri lögfræði, inngangi að lögfræði og ágripi af réttarsögu. Á vормisseri fyrsta námsárs getur stúdent eingöngu skráð sig til náms í stjórn-skipunarrétti ásamt ágripi af þjóðarétti, sifja- og erfðarétti og heimspekilegum forspjalls-vísindum. Skilyrði þess að stúdent geti skráð sig í aðrar námsgreinar í BA-námi er að hann hafi staðist próf í almennri lögfræði og inngangi að lögfræði.

4. gr.

Eftirfarandi breytingar verða á 101. gr. reglnanna:

1. Við upptalningu kennslugreina til M.Paed. prófs í 1. mgr. bætast eftirtaldar greinar: Franska, spænska og þýska.
2. Við upptalningu kennslugreina til M.A.-prófs í 1. mgr. bætist eftirtalin grein: Þýðingar.
3. Aftan við upptalningu kennslugreina til doktorsprófs bætist eftirfarandi málslíður: Ennfremur er við heimspekideild unnt að stunda nám til doktorsprófs á fagsviðum þar sem skor og deildarráð meta að nauðsynleg aðstaða og sérþekking sé fyrir hendi.
4. Heitið „skor rómanskra og slavneskra mála“ í upptalningu skora í 5. mgr. breytist og verður: skor rómanskra og klassískra mála.
5. Framan við orðið „stundakennara“ í 3. másl. 5. mgr. bætist: adjunkta og.
6. Seinni málslíður 8. mgr. breytist og verður svohljóðandi: Stúdentum sem lokið hafa einu námskeiði í kennslugrein skal gefinn kostur á að ljúka 30 einingum í greininni ef því verður við komið.

5. gr.

Sjötti málslíður 1. mgr. 103. gr. reglnanna breytist og verður svohljóðandi: Telst hann þá hafa lokið B.A.-prófi í tveimur aðalgreinum.

6. gr.

Eftirfarandi breytingar verða á 104. gr. reglnanna:

1. Aftan við annan málslíð greinarinnar kemur nýr málslíður svohljóðandi: Skorir geta veitt undanþágu frá kröfum um lágmarkseinkunn.
2. Í stað tölunnar „30“ í fjórða málslíð greinarinnar kemur: 15.
3. Í stað tölunnar „10“ í lokamálslíð greinarinnar kemur: 15.

7. gr.

Annar og þriðji málslíður 1. mgr. 105. gr. reglnanna breytast og verða svohljóðandi:

Áskilið er að hann hafi lokið B.A.-prófi með fyrstu einkunn. Skorir geta veitt undanþágu frá kröfum um lágmarkseinkunn.

8. gr.

Eftirfarandi breytingar verða á 106. gr. reglnanna:

1. Fyrsta málsgrein breytist og verður svohljóðandi: Stúdent sem hefur lokið M.A.-prófi frá heimspekideild Háskóla Íslands með fyrstu einkunn getur sótt um aðgang að doktorsnámi samkvæmt 5. mgr. 101. gr. reglna þessara. Stúdent sem hefur lokið M.A.-prófi eða öðru samsvarandi prófi frá annarri deild Háskóla Íslands eða öðrum háskóla, sem deildin viðurkennir, með jafngildi fyrstu einkunnar, getur sótt um aðgang að doktorsnámi við heimspekideild. Þá skal menntun hans metin með tilliti til aðalgreinar við doktorsnám og honum gerðar frekari námskröfur en þeim stúdentum sem hafa lokið M.A.-prófi frá deildinni.
2. Við 2. mgr. bætist nýr málslíður svohljóðandi: Námsáætlun skal samín í samráði við leiðbeinanda og staðfest af deildinni. Námsárangur skal staðfestur með mati sem deildin viðurkennir og með árangri sem hún metur fullnægjandi.
3. Þriðja og fjórða málsgrein greinarinnar falla brott.
4. Í stað orðsins „Leiðbeinanda“ í upphafi 5. másl. 3. mgr. (áður 5. mgr.) kemur: Aðalleiðbeinanda.

9. gr.

Reglur þessar, sem háskólaráð hefur sett á grundvelli laga um Háskóla Íslands nr. 41/1999, öðlast þegar gildi.

Háskóla Íslands, 27. júní 2003.

Páll Skúlason.

Pórður Kristinsson.

AUGLÝSING

um breytingu á aðalskipulagi Akureyrar 1998 - 2018, Þingvallastræti/Viðilundur.

Samkvæmt 19. gr. skipulags- og byggingarlaga nr. 73/1997 hefur ráðherra þann 4. júlí 2003 staðfest breytingu á aðalskipulagi Akureyrar 1998-2018 frá 4. september 1998.

Breytingin felst í því að austasti hluti iðnaðarsvæðis við gatnamót Dalsbrautar og Þingvallastrætis verður íbúðarsvæði.

Breyting þessi hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Akureyrar. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfissráðuneytinu, 4. júlí 2003.

Siv Friðleifsdóttir.

Ingibjörg Halldórsdóttir.